

SCRIPT OF EVENING GOJRI NEWS BULLETIN 10OCT 1700 HRS

ایونینگ گو جری نیوز بلیٹن مورخہ 10 اکتوبر 2025

یوہ آکا شوانی جموں ہے نصرت چوہدری تے محمد اشفاق تیں خبر سُنو۔

HEADLINES

- ۱۔ وزیر اعظم نریندر مودی پلک نویں دلی مانہ پی ایم دھن دھنیا یوجنا تے دالاں گیخود انحصاری بارے دواں مشنن گا آغاز کریں گا۔
- ۲۔ دنیا پھر مانہ اج ذہنی صحت بارے بین الاقوامی تہاڑو مناہو جارہیو ہے اس زمن مانہ وزیر اعظم نریندر مودی تے عوام نانہ متوجہ کیو جے ایسو ماحول تیار کیو جے جس مانہ ذہنی صحت بارے بہتر سوچ وچار کی جے۔
- ۳۔ عدالت عظمہ نے جموں کشمیر کا ریاستی درجہ کی بحالی خاطر پیش کی گئی عرضیاں گو جواب دین واسطے 4 ہفتاں غو وقت دتو ہے۔
- ۴۔ سرینگر پولیس نے اج شہر پھر مانہ دہشت گردی سنگ جڑیا متا مقامات ور چھاپا ماری کی۔
- ۵۔ ضلع رام بن مانہ پاکستان مقیم ایک دہشت گرد کی جائداد نانہ ضبط کرلیو ہے۔

PM DHAN DHANYA YOJANA

وزیر اعظم نریندر مودی پلک نویں دلی مانہ دوہڑا مشن گو آغاز کریں گ اجن مانہ پی ایم دھن دھنیا یوجنان تے دالاں بارے خود انحصاری شاملہیں زراعت بارے وزارت نے دسیو جے پی ایم دھن دھنیا کرشی یوجنا غے تحت ملک پھر مانہ قریب 100 کھٹ پیدوار آلا ضلاں مانہ جامع زرعی ترقی بارے املاں لیا جیں گا جس سنگ کساناں کی آمدنی مانہ نمایاں بابدو وے گو۔ یاد رہے اس سکیم گو مقصد کھیتی باڑی واسطے آبپاشی کی سہولت مانہ اضافو کرنو فصلان کا تنوع نانہ فروغ دینو تے قرض تے زخیرہ اندوزی کا بُنیادی ڈھانچہ تک وسان رسائی فراہم کرنی ہے یوہ وی واضع رہے جے اداران کا خود انحصاری مشن مانہ تور، اُتر تے مسور جیسی بڑی دالاں کی پیدوار نانہ فروغ دین ور توجہ دتی جے غی تے قابل ذکر ہے جے اس مشن گے تحت مرکزی ایجنسی درج شدہ کساناں کی پیدوار نانہ جائیزہ مناسب امدادی قیمت ور خریدین کی جس سنگ کاشتکاری کی آمدنی مانہ بابدو وے گو۔

WORLD MENTAL HEALTH DAY

عالمی یوم ذہنی صحت اج دنیا پھر مانہ مانہو جارہیو ہے اس دن گو مقصد ذہنی صحت کا مسائل غا بارا مانہ آگاہی بدھانو تے دنیا بھر مانہ ذہنی صحت غی دیکھ بھال واسطے کوشش کرنو ہے۔ وزیر اعظم نریندر مودی نے لوکاں تیں کہیو ہے کہ وہ مل غے کم کریں تے ایسو ماحول بنائیں جت ذہنی صحت ور گل بات عام وے ایک سماجی میڈیا پوسٹ مانہ جناب مودی نے کہی و کہ عالمی یوم ذہنی صحت یاد دہانی ہے کہ ذہنی صحت ہر شخص غی مجموعی فلاح و بہبود غو ایک اہم حصو ہے اُنہاں نے کہی و کہ یوہ دن دوسراں واسطے ہمدردی دسن تے غور کرن غی اہمیت نانہ اُجاگر کرے۔

MENTAL HEALTH DAY

عالمی یوم ذہنی صحت 2025 اج جی ایم سی ادھمپور مانہو گئیو جس گو موضوع تھو ہنگامی حالات مانہ انسان غی ذہنی صحت اس موقع ور ڈاکٹراں تے جی ایم سی ادھمپور غا ایم بی بی ایس طلبہ غی جانب تیں ایک شاندار آگاہی ریلی کڈی گئی۔ ریلی جی ایم سی ادھمپور غا احاطہ تیں شروع ہوئے شہر کا مختلف چوکاں تے بازاراں تیں گزری تے واپس جی ایم سی ور اختتام پزیر ہوئی۔ طلبہ نے عوام مانہ بیداری پیدا کرن واسطے ہتھان مانہ بینر چاتاوی تھا اس اجتماعی کوشش غو مقصد افراد غی مجموعی فلاح و بہبود مانہ ذہنی صحت غا اہم کردار نانہ اُجاگر کرنو ہے۔

INTERACTIVE SESSION

بھارتی فوج تے جموں کشمیر پولیس نے گورنمنٹ ڈگری کالج تھانہ منڈی راجوری غا اشتراک تیں عالمی یوم ذہنی صحت 2025 غا موقعور ایک گل بات سیشن غو انعقاد کیو اس سیشن گو مقصد زہنی صحت تے قانون غا بابمی تعلق ور روشنی کہلو تھو فوج تے پولی س افسراں نے قدرتی آفات تنازعات تے صحت عامہ گا ہنگامی حالات مانہ ذہنی صحت غی اہمیت ور زور دتو بحث مانہ ذہنی صحت ایکٹ 2017 تے اس غا بین العوامی انسانی حقوق غا معیارات خصوصاً اقوام متہدہ غا کنونشن غے نال ہم آہنگی ور وی گفتگو کی گئی اس موقعور بولتا واں جی ڈی سی غا پرنسپل فاروق احمد نے اس طرح کہیو۔

SC J&K STATEHOOD

عدالت عظمہ نے اج جموں کشمیر گو ریاستی درجو بحال کرن گی درخواستاں ور اپنو جواب پیش کرن خاطر 4 ہفتاں گو وقت دتو ہے واضع رہ جے چیف جسٹس بی آر گلوئی تے ہسٹس کے ونود چندررن ور مشتمل پنج اس بارے منی ساری عرضیاں گی سماعت کر رہیو تھو جس مانہ جموں کشمیر نانہ جلد از جلد ریاستی درجو دین بارے مرکز گی یقین دہانی ور عمل درآمد کرن ور زور دتو گیو قابل ذکر ہے جے سالیسٹر جنرل تشار مہتا مرکز گی طرفوں پیش ہوا تے انہاں نے عدالت عظمہ نانہ دسیو جے جموں کشمیر مانہ خاصی ترقی ہوئی ہے تے جموں کشمیر اسمبلی انتخابات پُر امن طریقہ کار سنگ کراپا گیا تے پنج گا وعدہ گے مطابق ایک منتخب حکومت قائم کی گئی۔

POLICE RAID OGWS

سرینگر پولیس نے اج شہر بھر مانہ متا سارا معاملات ور بیک وقت چھاپا ماری کی جس مانہ دہشت گرداں سنگ جڑیا مشکوک ٹھکانہ تے اس بارے کم کاجی گروپاں گی رہائش گاہاں نانہ نشانو بنایو گیو پولی س ترجمان نے کہی و جے سرینگر پولیس نے شہر بھر مانہ چھاپا ماری کر گے غیر قانونی سرگرمیاں گی روک تھام بارے ایکٹ یو اے پی اے کے تحت جاری تحقیقات گا سلسلہ مانہ دہشت گرد سنگ جڑیا افراد تے اس بارے کم کر رہیا مشکوک افراد گی رہائش کواں گی تلاش لی گئی۔ اُن گو کہنو تھو جے ایگزکیٹیو مجسٹریٹ گی موجودگی مانہ قانونی طور ور قریب 21 افراد گا کہراں گی تلاشی لی گئی۔

PROPERTY ATTACHED

پولی س نے گزشتہ روز نانہ رام بن ضلع مانہ پاکستان مانہ مقیم ایک دہشت گرد غی زرعی زمین ضبط کر لی آکاشوانی جموں غا نمائندہ غے مطابق ضبط کی گئی زمین 4.11 کنال ور مشتمل ہے جہڑی دمکی سمبر علاقہ مانہ واقع ہے تے فاروق احمد عرف آبد غی مالکیت ہے یاہ کاروائی غیر قانونی سرگرمیاں ایکٹ غی دفعہ 25 غے تحت کی گئی تمام قانونی تقاضہ پورا کرن تیں بعد زمین نانہ سرکاری ریکارڈ مانہ درج کی وگیو تے اس غی خرید و فروخت یا منتقلی ور پابندی گو نوٹس جاری کیو گیو ضبطی گو عمل ایک میجسٹریٹ تے دیگر سرکاری گواہاں غی موجودگی مانہ مکمل کیو گیو تانجے قانونی اصولاں ور عمل وے۔

POSHAN MAAH

پوشن ماہ گا ایک حصہ گا طور بچاں بارے مربوط ترقیاتی خدمات محکماں رام بن صحت مند طرز زندگی نانہ فروغ دین تے کواتین تے بچاں مانہ عزائی قلت سنگ نمژن خاطر ضلع پر مانہ کیمپاں گو انعقاد کر رہی وے ان کیمپاں گو مقصد غزایت تے مجموعی صحت غا بارا مانہ بیداری پیدا کرنو ہے اس زمن مانہ ماربن صحت اس ج بارے عوام نانہ آگاہ کر رہیا ہیں تے نال ہی اس پروگرام مانہ شریک افراد مفت مانہ جانچ کرا گے آئیندہ پلک تے دیگر دواواں سنگ مدد حاصل کر رہیا ہیں۔

FARM TRAINING

شیر کشمیر زرعی یونیورسٹی جموں تے کرشی وگیان کیندر کشتواڑ ضلع مانہہ زراعت بارے قومی مشن غے تحت درج شدہ کساناں واسطے قدرتی کاشتکاری بارے ایک تربیتی پروگرام گو انعقاد کیو دسیو گیو بے جے یاہ تربیت کرشی وگیان کیندر کشتواڑ سی اے او کشتواڑ تے 38 کرشی ساکشیاں گی سانجی کوشش سنگ 19 بکھ بکھ مرکز ان مانہہ کی منعقد کی جت گی یاد رہ جے ڈاکٹر امتیش شرما اس تربیتی پروگرام گا نوڈل افسر نام، زد کی اگیا ہیں تقریب غے دوران قریب 50 توں متا کساناں تے دیگر خواتین کساناں نے ہسولیو جس مانہہ سائنسی قدرتی کاشتکاری گا طریقہ کار بارے بیداری صلاحیت سازی کی گئی اس موقع ور ڈاکٹر امتیش شرما نے اس طرح کہیو۔

SHEETAL FELICITATED

ڈپٹی کمشنر کشتواڑ پنکج کمار شرما ایس ایس پی کشتواڑ نبیش سنگھ ت دیگر اعلیٰ افسراں نے اج ارجونا اعزاز یافتہ تے عالمی پیراچر چیمپین شپ شیتل دیوی گا گھر گو دورو لی و جھڑو کہ گراں لاہائی دار بلاک مغل میدان ضلع کشتواڑ مانہہ واقع ہے انہاں نے شیتل نانہہ خواتین گا کمپاونڈ انفرادی زمرہ مانہہ سونا گا تمغہ جیتن ور سہرایو۔
